

F. H. 29.

Ye
5405

AD
 ORATIONEM SOLENNEM
 IN
 MEMORIAM
 ILLVSTRIS ATQVE EXCELLENTISSIMI
 DOMINI
 AVGVSTI IVSTI
 REGIMINIS
 IN EPISCOPATV MERSEBVRGENSI
 CANCELLARII
 LONGE SPLENDIDISSIMI AMPLISSIMIQUE
 FVTVRO DIE IOVIS
 H. L. Q. C
 PVBLICE AB SE HABENDAM
 OFFICIOSISSIME HVMANISSIMEQVE
 INVITAT
 BENIAMINVS GOTLIBIVS GERLACHIVS
 AA, LL. ET PHILOSOPHIAE MAGISTER
 GYMNASIIQVE ZITTAVIENSIS
 DIRECTOR



*Franz math
 Muller
 eruditor*

Acquieuit ergo, anno superiore, VIII Calendas
Quinctiles, in complexu Dei, cui, quoad uixit, con-
iunctissimus fuit, Vir, tam nobilitate generis et gloria ma-
iorum, quam multa doctrina ac summa prudentia, illu-
stris atque excellentissimus, AVGVSTVS IVSTVS, Regi-
minis in Episcopatu Merseburgensi Cancellarius spectata
fide amplissimus, ac multis eximiisque meritis insignis.
Tametsi ille, coelesti iam luce circumfusus, ac rerum, quas
inter dubios ancipitesque casus nos speramus adhuc, po-
titus, curarum nostrarum nihil eget: nostra tamen refert,
tantas tanti Viri uirtutes et grata mente repeti, et imi-
tando, quoad eius fieri potest, exprimi. Quomodo au-
tem Viri, tam praestantis, personam, VVeissenfelsae par-
tim, partim Merseburgi, susceptam, recordetur Zittauia
nostra, quia suam simul dignitatem reminiscatur, quam
ab tam excellenti, quod anno superioris saeculi undeo-
ctogesimo, A. D. VII Calendas Martias, edidit, ingenio,
quodque praecoluit ac praeparauit, uidet amplificatam.

Nulla quidem facile est prouincia, nulla urbs, quae
non peritos aliquot atque ingeniosos homines habeat.
Anacharsin Scytham, Zamolxin Getam, Democritum,
Abderitem, et Phaedrum, Thraces, Polybium Megalo-
poli, in Arcadia, natum fuisse, constat. Apud Phryges
haud sero sapuit Aesopus, sed mature, et usque eo, ut
multos sapere doceret. Boeotia quondam pro stupidi-
tatis atque inscitiae sede uulgo habita fuit, quae robustos
magis luctatores, quam doctos uiros, tulerit. Nemo ta-
men facile tam impudens et audax erit, qui Pindaram,
Epaminondam, Corinnam, Cebetem, Thebanos, et Plu-
tarchum, Chaeronensem, stupidos fuisse dixerit et bardos.
Negari autem non poterit, alium locum alio, in profe-
rendis praeclaris ingeniis, esse fecundiorum. Ne lon-
gius atque in disiunctiores terras abeamus, maneamus in
patria. Est oppidum in uicina Silesia, elegantium partu
ingeniorum minime obscurum, Leoberga nomine, quod
non unum itemque alterum uirum ex doctrina clarum et
honoratum edidit, sed integras, quod mireris, familias,

Virthiorum, exempli gratia, Reufnerorum, Ludouicorum, Sueuorum, aliorum, ex quibus alii Principum, Regum atque Imperatorum gratiam praedicare potuerunt, alii celeberrimas Germaniae Academias ac Scholas mirum in modum illustrarunt, uti ex Caspari Sueui Mne-mosyne Leorina pluribus cognoscas. Nihil de aliarum fama regionum ac locorum dignitate, quam ab eruditis suis indigenis habent, quod absit a nobis, uolumus de-tractum: hoc tamen de Lusatia, ac figillatim de Zittauia, sine assentandi studio, iure praedicamus, eam eiusmodi nullo non tempore protulisse ingenia, quae uaria doctri-na, exquisita scientia, acerrima industria, diuturno re-rum usu, exercitatissima iudicandi solertia, atque alia-rum splendore uirtutum cum multis aliis potuerunt cer-tare. Nulla ex disciplinis tam abstrusa et recondita est, nulla tam ardua et sublimis, in qua non Zittauiensium fa-tis multi ita excelluerint, ut qua doctrinam, qua uirtutes, qua dignitatem, quae comitari uirtutes amat, paucos si-bi habuerint pares. De rei ueritate nemo, opinor, uel addubitaerit, qui Nefenos, Engelmanos, Kohlios, Har-tigios, Nasones, Lanckisios, Iustos, Stollios, Girisios, Hefteros, Ientschios, horumque similes, recordari uelit. Fuerunt quoque non pauci ex eruditis Zittauiensibus, qui extra patriae fines sedem ac domicilium collocarunt, ac, tum in sacrorum munerum functionibus, tum in Prin-cipum Aulis aliisque celeberrimis Rebus publicis, tum in Academiis ac Scholis, praeclarae suae doctrinae, sapien-tiae atque experientiae, cum insigni patriae ornamento, specimina dederunt. Quorum in numero iure merito-que reponimus Heidenreichios, fratres, Helmericos, Kindermanos, Pladecios, Antonios, Seligmanos, Ma-fcos, Kohlios, Loniceros, Berbalccios, Deniccios, Burg-hardos, Eichleros, Lehmanos, Hasellhunios, Fleischma-nos, Loeuenthalios, Klingeros, Kießlingios, Meureros, Schindleros, Moelleros, Hofmanos, Clemasios, Dobri-tios, Hartigios, Monachios, Rodochsios, Pogonios, Paschas, Retellios, Berghusios, Sternbergeros, Schmi-dios, Thilonos, Maios, Hubneros, tot alios.

JKye 5405

Huiusmodi praeclaris, quae Zittavia tulit praeparavitque, ingeniis, quaeque foris patriae suae magno honori semper fuerunt et ornamento, uel in primis illustris atque excellentissimus Cancellarius noster, AVGVSTVS IVSTVS, merito ac iure annumerandus est. Is enim, paternis auitisque exemplis excitatus, ita semper se gessit, ut magnam sui expectationem non modo sustinuerit, sed etiam superarit. Namque in consiliis, iudiciis, omnique uitae cursu, officium fecit Viri, prudentia praestantis, atque idonei, ad grauissimam, quam gessit, personam, uirtute tuendam. Aptus fuit, ad res magnas, labore iudicioque par. Quanta praeditus cognitione, tanta rerum tractatione. Prouidus deliberando, celer agendo, dignus omnino, qui magnorum Principum consiliis adhibitus, in perpetua Aularum luce uerfaretur.

Colamus igitur, ac posteris prodere studeamus, memoriam Viri, tam illustris, tamque benefici, ut erga multos alios, sic etiam, quod minime aetate nostra fieri saepe solet, erga illos, qui in Gymnasio patrio, in quo ipse adolescens bonis artibus ac disciplinis bene institutus fuit, nunc, et in posterum quoque, in formanda erudiendaque iuuentute operam ponunt, atque, grata meritorum commemoratione, eandem Oratione publica renouemus.

Ad quam Orationem, proxima die Iouis, ab hora VIII matutina, in Acroaterio superiore, beneuole audiendam, ut Magnificus atque Amplissimus Senatus haud grauate conueniat, atque item reliqui Literati, cuiuscunque ordinis sint ac dignitatis, honoratissimi, uel illustris excellentissimique Cancellarii, coelo recepti, ueneratione permoti, concione frequentissima confluent, quo possumus studio et humanitate, contendimus atque rogamus. P. P. A. D. XIV Calend. Quintiles, quem diem sanctiores Fasti attribuunt Dominicae III S. Triados,
A. S. R. ∞ 10 CC LII.

F. N. 20.

Ye
5405

AD
 ORATIONEM SOLEMNEM
 IN
 MEMORIAM
 ILLVSTRIS ATQVE EXCELLENTISSIMI
 DOMINI
 AVGVSTI IVSTI
 REGIMINIS
 IN EPISCOPATV MERSEBVRGENSI
 CANCELLARII
 LONGE SPLENDIDISSIMI AMPLISSIMIQVE

FVTVRO DIE IOVIS
 H. L. Q. C
 PVBLICE AB SE HABENDAM
 OFFICIOSISSIME HVMANISSIMEQVE
 INVITAT

BENIAMINVS GOTLIBIVS GERLACHIVS
 AA. LL. ET PHILOSOPHIAE MAGISTER
 GYMNASIIQVE ZITTAVIENSIS
 DIRECTOR



*Francis matts
 multon
 eruditor*

